

Morning Regional Dogri News Bulletin, 16th June 2024

मार्निंग डोगरी न्यूज़ बुलेटिन, समें. 09-20 Hrs

<><><><><><>

Headlines

1. कन्द्री गृहमंत्री अमित शाह होर जम्मू कश्मीर च सुरक्षा स्थिति दी समीक्षा करने आस्तै अज्ज इक उच्ची सतह आली बैठक दी प्रधानता करगंन।
2. जम्मू कश्मीर पुलस ने सेना कन्नै रलियै इक सांझे अभियान च करनाह कुपवाड़ा च नशीले पद्धार्थे सरबंधी आतंकवादी नेटवर्क दा भांडाफोड़ कीता ऐ। इस दरान हेरोइन, विस्फोटक ते थेआर बरामद कीते गे।
3. उपराज्यपाल मनोज सिन्हा होरें बक्ख जिलें दे डीसीएं ते एसएसपीएं कन्नै लग्गी दी इक बैठक दी प्रधानता करदे होई सुरक्षा स्थिति ते बक्ख-बक्ख विकास परियोजनाएं दा जायजा लैता।
4. रामबन च महिला सशक्तिकरण ते नशा मुक्ति अभियान पर इक जागरूकता कार्यक्रम दा सरिस्ता कीता गेआ।

<><><><><><>

Amit Shah

गृहमंत्री अमित शाह जम्मू कश्मीर च सुरक्षा स्थिति ते श्री अमरनाथ जी दी यात्रा दी तैआरिएं दी समीक्षा करने आस्तै अज्ज बडलै इक उच्च स्तरीय बैठक करगंन। एहदे च जम्मू कश्मीर दे उपराज्यपाल मनोज सिन्हा, राष्ट्री सुरक्षा सलाहकार अजीत डोभाल, केन्द्र गृह सचिव, सेना, पुलस ते जम्मू कश्मीर प्रशासन दे वरिष्ठ अधिकारी शामिल होंगन। एहदे शा पैहले शुक्रवारें शाह होरें नमीं दिल्ली च गृह मंत्रालय दे वरिष्ठ अधिकारिएं कन्नै बैठक च जम्मू कश्मीर दी सुरक्षा स्थिति दा जायजा लैता हा।

<><><><><><>

Narco Terror

जम्मू कश्मीर पुलस नै सेना कन्नै रलियै नशीले पद्धार्थे सरबन्धी आतंकवादी नेटवर्क दा कुपवाड़ा च करनाह थाहर भंडाफोड़ कीता ऐ। इस सरबन्धै च त्रै लोकें गी हिरासतै च लैता गेआ ऐ ते उंदे कोला बड़ी बद्ध मिकदार च हेरोइन, विस्फोटक पद्धार्थ ते थेआर बरामद कीते गे न। कुपवाड़ा दे एसएसपी शोभित सक्सेना होरें मीडिया गी जानकारी दिंदे होई दस्सेआ जे आतंकवाद ते नशीले पद्धार्थ आपुं च जुड़े दे न ते इक दुए दे पूरक दे तौरा पर कम्म करदे न। उनें दस्सेआ जे आतंकवादी संगठन अपनी गतिविधिएं आस्तै नशले पद्धार्थे दी तस्करी गी पैहे दा इक महत्त्वै आला जरिया मनदे न। एसएसपी कुपवाड़ा नै जानकारी सांझा करदे होई दस्सेआ जे इक टकोहदी सूह पर कारवाई करदे होई जम्मू कश्मीर पुलस ते सेना नै करनाह थाहर जाल बछाया ते तकरीबन 500 ग्राम हेरोइन कन्नै दऊं जनें गी हिरासतै च लैता। अगड़ी जांच इस साधपुरा दे इक बसनीक थमां 10 पस्तोलां, 76 रौंद, पस्तोल दियां 6 मैगजीनां ते तकरीबन 5 किलो संदिग्ध विस्फोटक बरामद कीता गेआ। इस सरबन्धे च कुपवाड़ा पुलस थाने च एफआईआर दर्ज करियै नशीले पद्धार्थे सरबन्धी आतंकी नेटवर्क दा पता लाने लेई जांच कीती जा'रदी ऐ।

<><><><><><>

Lt. Gov.

उपराज्यपाल मनोज सिन्हा होरें सिविल ते पुलस प्रशासन गी निर्देश दित्ता ऐ जे ओ आतंकी ढांचे गी खत्म करने आस्तै सुरक्षा अजेंसिएं कन्ने रलियै कम्म करन। श्री सिन्हा होरें निर्देश जारी करदे होई आखेआ जे आतंकवादिएं ते उंदी मदाद करने आलें गी बख्शोया नेई जा। उपराज्यपाल होरें श्रीनगर च सुरक्षा स्थिति पर लग्गी दी इक उच्चवी सतह आली बैछक दी प्रधानता करदे होई एह गल्ल आक्खी। बैठक दरान उनें बक्ख-बक्ख जिलें दे डीसीएं ते एसएसपीएं थमां उंदे सरबन्धत जिलें च नशीले पद्धार्थे दी रोकथाम पर कीती गेदी कारवाई पर रिपोर्ट मंगी। बैठक च बी री अमरनाथ जी दी सलाना यात्रा, योग दिवस जे ईद उल अजहा शा पैहले पुलस प्रशासन आस्सेआ कीती गेदी तैआरिएं पर बी गल्लबात कीती। बैठक च सुरक्षा ते यातायात प्रबंधन, शिड़कें गी उबड़ा चुक्कना, टेंट ते लंगर सेवां लेई थाहरें दी तांल, आईएफआईडी कार्ड ते टट्टू-पिट्टू दी प्रीपेड सेवां दी 100 फीसदी अमलावरी सनें यात्रा कन्नै जुड़े दे उपराज्यपाल होरें बैठक दरान बक्ख-बक्ख विकास परियोजनाएं दी बी समीक्षा कीती। महत्त्वै आले पैहलुएं पर विस्तार कन्नै चर्चा कीती गेई। उनें हाल च गै संपन्न होए दे पार्लिमानी चुनां ते माता क्षीर भवानी दे कामयाब ते अमन-रमानदारी कन्नै आयोजन आस्तै डीसी ते एसएसपी होरें गी बधाई दित्ती।

<><><><><><>

DGP Swain

पुलस महानिदेशक आर.आर.स्वैन होरें लोकें अग्गे अपील कीती ऐ जे ओ शुभे आलिंगं गतिविधिं गी बरीकी कन्ने दिक्ख परखियै जांच करने परैंत गै अग्गे सच्ची जानकारी देन तां जे गलत सुरागें दी संभावना गी घट्ट कीता जाई सकै। श्री स्वैन होरें एडीजीपी जम्मू जोन श्री आनंद जैन हुंदे कन्नै कटुआ जिले दा दौरा लाया। उनें 11 जून गी टाकरे परैंत कीते गेदे सुरक्षा उपाएं दा जायजा लैता। डीजीपी होरें हीरानगर पुलस थाने दा बी दौरा लाया ते हाल च गै आतंकिं कन्ने लगे दे टाकरे च पुलस कर्मिं दी भूमका दी सराहना कीतीं पत्रकारें गी संबोधत करदे होई श्री स्वैन होरें आखेआ जे हर कुसै गी पता ऐ जे मजूदा चुनौतियां सरहद पार समर्थत ते प्रायोजित न की जे नापाक ताकतां इस इलाके च अपने पैर जमाए रखना चांहदियां न। उनें गलाया जे उनेंगी केन्द्र ते केन्द्र शासत प्रदेश सरकारै थमां आतंकवादी विरोधी ग्रिड गी मजबूत करने ते जम्मू कश्मीर थमां आतंकवाद गी भलेयां खत्म करने दे साफ निर्देश थ्होए दे न।

<><><><><><>

DDC Udhampur

उधमपुर दी जिला विकास परिषद दे अध्यक्ष लाल चंद होरें कल सब्बने ब्लाक विकास अधिकारिं कन्नै लाई गेदी इक बैठक दी अध्यक्षता कीती ते ग्रामीण विकास विभाग दिं बक्ख-बक्ख स्कीमें दा जायजा लैता ते 2024-25 ब'रे लेई पंचैती राज इदारें ते ब्लाक विकास परिषद दिं योजनाएं गी तैआर करने बारे गल्लबात कीती। डीडीसी होरें जिला कैम्पेक्स बजट 2024-25 गी बनाने बारे अपने नमुल्ले मश्वरे बी दित्ते। डीडीसी होरें सरबंधत अफसरें गी योजना च तव्वीज कीते गेदे कर्मकाजें दी व्यवहारिकता दी जांच करने ते मुनासब ण्हतियात बरतने दे निर्देश दित्ते।

<><><><><><>

Yoga Day Doda

जिला प्रशासन डोडा ने कल आयुष विभाग कन्ने रलियै अंतर्राष्ट्रीय योग दिवस लेई कीती जाने आलिंगं तैआरिं दी शुरूआत कीती। 21 जून 2024 गी मुख्ख समारोह दऊं थाहरें खेड मैदान डोडा ते सैलानी गाथा पार्क भद्रवाह च लग्गोग। इनें दौनें थाहरें योग सत्र कार्यशाला ते योग प्रदर्शन दे केई सत्र लगगंन। जिला प्रशासन डोडा आस्सेआ सब्बने स्थानीय लोकें, योग प्रेमिं ते मीडिया आलें गी 21 जून 2024 गी इस महत्वै आले आयोजन च हिस्सा लैने लेई साददा दित्ता गेआ ऐ।

<><><><><><>

Ramban Drug Awareness

समाज कल्याण विभाग रामबन आस्सेआ महिला सशक्तिकरण ते नशे दी कवैथु पर रोक लाने दे मकसद कन्नै इक प्रभावशाली जागरूकता प्रोग्राम दा आयोजन कीता गेआ। इस प्रोग्राम दरान केइएँ महत्वै आलिऐँ पैहलकदमिएँ महिलाएं लेई वन स्टाप सेंटर ते नशा मुक्त अभियान चलाया गेआ। जिला समाज कल्याण अधिकारी रामबन राहुल गुप्ता होरें जिले च महिलाएं गी बाइख्तेयार बनाने ते नशाखोरी जनेह् गंभीर समाजी मसलें पर काबू करने लेई कीती जा'रदिएँ कोशशें बारे दस्सेआ। उनें आखेआ संकल्प इक व्यापक प्रोग्राम ऐ जेह्दा मकसद महिलाएं गी सशक्त करना ऐ ते उंदे विकास ते अग्गें बधने आली बत्ता पर उनेंगी बक्ख-बक्ख मौके हासल करोआना ऐ। हुनर निर्माण गतिविधियां ते सैह्योग देइयै संकल्प दा मकसद महिलाएं दा उत्थान ते उनेंगी समाज दे इक सरगर्म भ्याल दे तौर विकसित करना ऐ।

<><><><><><>

JKEDI-Ramban

तेजरिवनी स्कीम तैहत जम्मू कश्मीर उद्यमिता विकास संस्थान जेकेईडीआई आस्सेआ जिला केन्द्र रामबन च 10एं दिनें लेई लोआया गेदा उद्यमिता विकास प्रोग्राम सम्पन्न होआ। ईडीपी दा आयोजन जेकेईडीआई आस्सेआ जेकेईडीआई दे निदेशक राजेन्द्र कुमार शर्मा हुंदी पूरी पराती निगरानी च कीता गेआ। इस प्रोग्राम दा आयोजन रामबन जिले दिऐँ उद्यमी महिलाएं लेई जम्मू कश्मीर मिशन यूथ तैहत कीता गेदा हा। 30एं मेदवारें इस प्रोग्राम च पंजीकरण कराए दा हा, जेह्दे च 22एं मेदवारें सफलता कन्नै इस प्रोग्राम गी सबूरा कीता। इस सिखलाई प्रोग्राम गी खुदरा ते सेवा सेक्टर गतिविधिएँ लेई तैआर कीता गेदा हा। उद्यमिएँ गी रामबन जिले दिऐँ बक्ख-बक्ख थाहरें लौहके बपारी कम्में, जियां चपलिएँ जोड़ें दियां हट्टियां, सीते-सेआए दे कपड़े-टल्लें, कीटनाशकें, बिजली दे समेयान, श्रृंगार दे समेयान, डीटीपी सेंटरें ते बटीकां खोलने लेई सिखलाई दित्ती गई।

<><><><><><>

DC Jammu

डिप्टी कमीशनर सचिन कुमार वैश्य होरें ग्रामीण इलाकें च बरखा दे पानी दे संरक्षण पर जोर पाया। भविक्ख दिऐँ चुनौतिएँ दा हवाला दिंदे होई उनें आखेआ जे सब्बै अफसर अपने कम्मकाजें च बरखा दे पानी गी बचाई रखने लेई शुरू कीती गेदिएँ स्कीमें ते पैहलकदमिएँ गी शामिल करन। ब्लाक विकास अधिकारिएँ कन्नै लाई गेदी इक बैठक च डिप्टी कमीशनर होरें बक्ख-बक्ख ब्लाकें च ग्रामीण विकास प्रोग्रामें तैहत कीते जा'रदे कम्मकाजें दा जायजा लैता। उनें मनपांदे नतीजें लेई रलियै पूरे तालमेल कन्नै कम्म करने दी महत्ता पर जोर पाया ते सीनीय समस्याएं गी दूर करने लेई नमें-नमें तरीके इजाद करने लेई प्रेरित कीता।

<><><><><><>

Patnitop(byte)

पिछले किश दिनें थमां मौसम दे साफ रौहने कन्नै मैदानी इलाके च तापमान 40 डिग्री शा पार पुज्जी गोआ ऐ, जिस करिये बघदी गर्मी दे कारण लोके गी परेशानी दा सामना करना पवा'रदा ऐ। पर जम्मू खित्ते दी मुख सेलानी थाहर पत्नीटॉप ते पंचैरी दियां पहाड़ियां गर्मी शा परेशान लोके गी राहत देआ'रदियां न। मकामी ते बाहरले राज्ये थमां रोजाना नेकां सैलानी पत्नीटॉप ते पंचैरी पुज्जिये ठंडी वादिए च नजारे दा नंद ठोआइये अपने आप गी तरो ताजा करा करदे न। चनैनी दे पत्नीटॉप, सुद्धमहादेव, मानतलाई च बडलै थमां गै सैलानिए दी आमद शुरू होई जंदी ऐ। पत्नीटॉप च देवदार दे बूहटे दी हवा हेठ सैलानिए गी गर्मी थमां मती राहत थ्हांदी ऐ। हाटल उद्योग कन्नै जुडे दे लोके गी सैलानिए दे औने करिये बेहतर कारोबार दी मेद ऐ। प्रदेश दे बाहर थमां अपने परोआर कन्नै आए दे सैलानी मनीष नै आखेआ.....बाईट

<><><><><><>

Baba Sidh Gorla(byte)

जम्मू कश्मीर दे सरहदी इलाके सांबा जिले दी ऐतिहासक थाहर ते बाबा सिद्ध गोरिया नाथ जी मंदर स्वांखा च बाबा सिद्ध गोरिया नाथ जी दा हफता भर चलने आला सलाना मेला अज्जै थमां शुरू होई गोआ ऐ। इस सरबंघे होर जानकारी देआ करदे न साढ़े जिला संवाददाता सतपाल शर्मा.....बाईट

<><><><><><>

Hemis Festival

लद्दाख च मशहूर हेमिसत्से चू महोत्सव अज्जै थमां शुरू होआ करदा ऐ, एह ध्यार गुरु पदम संभव हुंदी जयंति पर आयोजित कीता जंदा ऐ। इस मौके पर प्रार्थना कीती जंदी ऐ, मास्क लाइये नाच ते भित्तिचित्र ठनका गी प्रदर्शत कीता जंदा ऐ। इस महोत्सव गी दिखने आस्तै बड़ी बद्ध गिनतरी च लोक लद्दाख पुज्जदे न। एहदी शुरूआत 17मीं सदी च लद्दाख दे बादशाह देसोंग नामग्याल दे पुत्र गल्स रिनपोधे आस्सेआ कीती गेई हीख एह उत्सव अदू थमां गै मनाया जा करदा ऐ।

<><><><><><>

Cricket

टी-20 विश्व कप क्रिकेट च कल भारत ते कनाडा बश्कार खेड्डे जाने आला मैच बरखा करिये रद्द करी दित्ता गोआं मैच च इक गेंद दी बी खेड मुमकिन नेई होई सक ीते दौनें टीमें गी 1-1 अंक थ्हांआ।

प्रतियोगिता च भारत 7 अंक कन्नै अपने गुप च सब्बने शा उप्पर रेआ, अमरीका दूई थाहरे पर ऐ जिसलै के कनाडा दी टीम प्रतियोगिता थमां बाहर होई गई ऐ।

<><><><><><>